



MICHELSEN  
ÚRSMÍÐIR SÍÐAN 1909

Laugavegur 15 - 101 Reykjavík  
511 1900 - www.sviss.is



ROLEX

# MARKAÐURINN

Sögurnar... tölurnar... fólkíð...

Græna prentsmiðjan!  
GUDJÓNÓ  
VISTVÆN PRENTSMÍÐJA  
Sími 511 1234 - www.gudjono.is

Miðvikudagur 20. apríl 2011 – 7. tölublað – 7. árgangur

Veffang: visir.is – Sími: 512 5000 **visir**



**Íslenska auglýsingastofan**  
Viðurkenningar  
hrannast upp

2

**Vorfundur AGS**  
Ísland er  
skrautfjöður



4-5

**Árelía Eydís Guðmundsdóttir**  
Skrifaði bók um  
réttu hilluna í lífinu



6



**TÆKJABÚNAÐUR MARELS** Samkomulag hefur náðst um lífeyrissjóð fyrrverandi starfsmanna Stork í Hollandi.

FRÉTTABLAÐIÐ/STEFAN

## Marel greiðir 1,6 milljarða

Marel greiðir tíu milljónir evra, jafnvirði rúmra 1,6 milljarða króna, í tengslum við samkomulag sem náðst hefur um lífeyrissjóð starfsmanna sem áður heyrðu undir hollensku iðnsamsteypuna Stork. Sjóðurinn, sem áður var sjálfstæður, verður nú hluti af Mel-Electro, hollenskum sjóði.

Marel keypti iðnsamsteypuna ásamt fleirum árið 2007 og tók úr henni matvælavinnsluvéla-hlutann. Hjá Marel vinna nú 960 starfsmenn sem áður voru hjá Stork.

Marel greiðir lífeyrissjóðnum í samræmi við hlutfall starfsmanna sem áttu hlutdeild í honum og losnar þar með við framtíðar-skuldbindingar. Greiðslan dreifist yfir fjögur ár en fellur til sem einskíptiskostnaður á öðrum ársfjórðungi.

- jab

### HELST Í ÚTLÖNDUM

#### BROWN EKKI Í AGS

David Cameron, forsætisráðherra Bretlands, finnst ekki við hæfi að Gordon Brown, forveri hans í embætti og pólitískur andstæðingur, gefi kost á sér sem arftaki Dominique Strauss-Khan hjá Alþjóðagjaldeyrissjóðnum. Cameron segir að tregða Browns til að fara út í harðar aðhaldsaðgerðir til bjargar bresku efnahagslífi geri hann óheppilegan í embættið.



#### MOODY'S LÆKKAR FÆREYJAR

Matsfyrirtækið Moody's hefur lækkað lánshæfismat Færeyja úr Aa2 í Aa3. Fyrirtækið segir horfurnar nú neikvæðar, en þær voru stöðugar. Í tilkynningu frá Moody's segir að matið sé lækkad vegna erfiðleika Færeyja við að koma nýju jafnvægi á langtímafjármögnun í erfiðu efnahagsumhverfi. Stefna stjórnvalda sé ekki nægilega skýr um það til hvaða ráða eigi að grípa.

#### APPLE KÆRIR SAMSUNG

Bandaríski tölvu- og símaframleiðandinn Apple hefur lagt fram ákæru á hendur suður-kóreska fyrirtækinu Samsung fyrir Galaxy-snjallsímana, sem Apple segir illa gerða eftirlíkingu af iPhone-símum og iPad-spjaldtölvum sínum.

# Stjórnendur VBS sakaðir um lögbrot

Eignastýringarsvið VBS fjárfestingarbanka keypti veðskuldabréf í heimildarleysi. Áhætta bankans var lögð á herðar viðskiptavina.

Jón Aðalsteinn Bergsveinsson  
skrifar

Stjórnendur VBS fjárfestingarbanka vissu af þeirri áhættu sem bankinn lagði á herðar viðskiptavina sinna sem voru með fjármagn í eignastýringu hjá bankanum með kaupum á veðskuldabréfum tengdum fasteignaverkefnum. Kaupin voru gerð án samráðs við viðskiptavininn og ekki í samræmi við samning bankans við þá. Viðskiptavinir bankans voru ekki upplýstir um verkefnið fyrr en eftir að viðskiptin gengu í gegn.

Veðskuldabréfin voru gefin út af byggingaverktökum sem jafnframt voru viðskiptavinir Framkvæmdafjármögnunar VBS. Bankinn átti sjálfur hlut í nokkrum verkefnum á ýmist beint eða í gegnum dótturfélag.

„Það er verið að vinna í ýmsum málum og margar ásakanir í gangi sem þarf að rannsaka. Ákveðin mál eru í skoðun,“ segir Þórey S. Þórðardóttir, sem sæti á í slitastjórn VBS fjárfestingarbanka sem hefur verið með málin til skoðunar frá falli bankans í fyrravor. Ekki er útilokað að einhver málanna varði við lög um verðbréfavíðskipti og að þau verði send til frekari rannsóknar hjá Fjármálaeftirlitinu. Engin mál hafa verið send áfram enn sem komið er.

Í kröfufýsingu eins af kröfuhöfum VBS sem Fréttablaðið hefur undir höndum kemur fram að Framkvæmdafjármögnun VBS hafi leitað með beinum hætti til eignastýringasviðs bankans og óskað eftir því að það útvegaði fjármagn í þau fasteignaverkefni sem

bankinn hefði skipulagt og samþykkt að fjármagna. Þá segir í kröfufýsinguinni að veðskuldabréfin séu mun áhættusamari og ótryggari en hefðbundin skuldabréf. Þegar halla hafi tekið undan fæti á fasteignamarkaði síðla árs 2007 hafi verið ljóst að útgefendur skuldabréfanna gátu ekki greitt þau á gjaldþega. Stjórnendur bankans hafi brugðist við með því að breyta skilmálum skuldabréfa sem eignastýringarsviðið hafði þegar keypt eða var að kaupa og samið um nýja gjaldþega. Viðskiptavinir VBS eiga í dag ýmist erfitt með að greiða skuldir sínar eða eru orðnir gjaldþrota. Óvíst er hvort lítið ef nokkuð fæst upp í kröfur.

„Við munum væntanlega senda svona mál áfram,“ segir Þórey.

„Eignastýring hefur þurft að leggja sig í líma við að verja fjárfestingar sínar í veðskuldabréfum, hvorutveggja gagnvart eftirlitsaðilum á markaði sem og einstaka viðskiptavinum [...] Sem betur fer hefur vel verið að málum staðið í langflestum tilvikum og eignastýringin gerir að sjálfsögðu engar kröfur vegna tjóns sem viðskiptavinir hafa orðið fyrir eða kunna að verða fyrir sem afleiðing þeirra áhættu sem gera hefði mátt ráð fyrir að þessi skuldabréf bæru. Þar má telja til áhættu er lýtur að verðhruni á fasteignamarkaði, mótaðilaáhættu vegna aðstæðna hjá verktökum, stöðvun framkvæmda og fleira í þeim dúr sem þegar hefur verulega þrengt að öllum þeim verkefnum sem viðskiptavinir eignastýringar eiga fjármagn bundið í og ekki hafa verið leidd til lykta.“

**Brot úr tölvupósti Péturs Aðalsteinssonar, forstöðumanns eignastýringar VBS, til Jóns Þórissonar, forstjóra bankans, og fleiri starfsmanna.**



**Við erum samstíga.**  
**Þess vegna gengur samstarfið svona vel.**

Hugrún Dögg Árnadóttir og Magni Þorsteinsson, hönnuðir og eigendur KronKron

Hver einasti viðskiptavinur okkar er einstakur og þarfirnar geta verið ólíkar. Með þetta að leiðarljósi höfum við þróað lausnir – sniðnar að þinni atvinnugrein. Hafðu samband og í sameiningu finnum við greiðslulausn sem hentar þínum rekstri.

Fyrirtækjalausnir Valitor | sími 525 2080 | [www.valitor.is](http://www.valitor.is) | [fyrirt@valitor.is](mailto:fyrirt@valitor.is)



Greiðslulausnir sniðnar að þinni atvinnugrein.

- Þjónusta
- Veitingahús
- Verslun
- Íþrótt- og félagsamtök
- Heildsölur
- Ferðaþjónusta
- Ríki- og sveitarfélög

**VALITOR**  
Lausnir án landamæra

## Vill brjóta upp bankana

Bandarískir banka ættu að fara að hætti breskra og skilja áhættusaman rekstur frá annarri starfsemi að mati Sheilu Bair, stjórnarformanns bandarísku inni-  
stæðutryggingastofnunarinnar.

Bair vill herða reglur banka og fjármálafyrirtækja. Breska viðskiptadagblaðið Financial Times bendir á að eftirlitsnefnd um banka og fjármálafyrirtæki í Bretlandi hafi einmitt lagt þetta til í síðustu viku. Tillagan felur í sér að ríkið eða



SHEILA BAIR

eftirlitsaðilar sem telja fjármálafyrirtæki orðin of stór geti krafist þess að þau verði brotin upp.

Í skýrslu FDIC sem kom út á mánudag eru birtar nýjar reglur um yfirtöku og slit á fjármálafyrirtækjum.

Ef þær hefðu gilt hefði breski bankinn Barclays getað tekið yfir fjárfestingarbankann Lehman Brothers um miðjan september 2008. Þá hefðu kröfuhafar litlu sem engu tapað og slitin tekið styttri tíma en raun varð á. - jab

## Bankarnir ausa út lánsfé

Hagvöxtur jókst um 9,7 prósent í Kína á fyrsta ársfjórðungi. Þetta er 0,1 prósentustigs samdráttur á milli ársfjórðunga og meiri vöxtur en gert var ráð fyrir. Á sama tíma hækkaði verðlag í kringum tíu prósent og keyrði verðbólgu upp. Hún mælist nú 5,4 prósent.

Niðurstaðan þykir sýna að aðgerðir stjórnvalda til að kæla hagkerfið, þar á meðal snarpar stýrivaxtahækkunir, gangi hægt, eins og Alistair Thornton, hagfræðingur IGS Global Insight, sem sérhæfir sig í greiningum í efnahags- og atvinnumálum, bendir á.



BEIÐ EFTIR VIÐSKIPTAVINI Matvöruverð hefur hækkað mikið í Kína. Landsmenn virðast hafa nóg fé á milli handanna. FRÉTTABLAÐIÐ/AP

Breska viðskiptadagblaðið Financial Times segir hagtölurnar

vísbindingu um að stjórnvöld í Kína muni draga úr aðhaldi á lánsfjármarkaði og lækka verðbólgu. Aðgerðir stjórnvalda hafi fram til þessa ekki dregið úr aðgangi fólks að lánsfé. Bankar lánuðu 680 milljarða júana, jafnvirði 11.800 milljarða íslenskra króna, í síðasta mánuði. Það er 27 prósentu aukning á milli mánaða.

Þrátt fyrir hita í kínverska hagkerfinu lofaði Wen Jiabao forsætisráðherra í ræðu sinni í liðinni viku að stjórnvöld myndu áfram gera fólki kleift að eignast ódýrara húsnæði. - jab

BANKABÓKIN			
Samantölur á vaxtatöflum bankanna	Hæstu innlánsveitir	Yfirdráttarveitir eru hæstir	Yfirdráttarlán fyrirtækja
Arion banki	Markaðsreikningur 1,25% <sup>a</sup>	11,25%	11,2%
Íslandsbanki	Vaxtabrep 1,90%	11,20%	11,2%
Landsbankinn	Vaxtareikningur 1,15% <sup>b</sup>	11,20%	11,20%
BANKI	MP Sparnaður 2,00%	11,15%	9,50 til 11,15%
BYR	PM-reikningur 2,05%	11,15%	11,10 til 11,20%
SPARISJÓÐURINN	Netreikningur 2,10% <sup>c</sup>	11,45%	11,40%
Sea	Sparnaðarreikningur 2,10%	10,20%	Ekki í boði.

\*Miðað er við 250.000 króna innlegg og sem skemmsta bindingu. <sup>a</sup> Bundinn í tíu daga. <sup>b</sup> Bundinn í sjö daga. <sup>c</sup> Úttektargjald hjá gjaldkera 0,25%  
Athugið að ekki er tekið tillit til árgjalds, sem getur fylgt yfirdráttarreikningum.

## Lækkað lánsþæfismat olli nokkurri ólgu

Ákvörðun matsfyrirtækisins Standard & Poor's á mánudag um að lækka lánsþæfiseinkunn Bandaríkjanna úr stöðugum horfum niður í neikvæðar olli verulegum usla á verðbréfamörkuðum víðs vegar um heim í gær.

Fyrst lækkuðu verðbréf á mörkuðum í Bandaríkjunum og Evrópu og í kjölfarið fylgdi lækkingun á mörkuðum í Asíu. Markaðirnir voru þó ekki lengi að ná sér eftir tíðindin. Í gær urðu góðar fréttir af hagnaði bandaríska fjárfestingabankans Goldman Sachs til þess að þeir tóku við sér að mestu.

Fréttirnar urðu hins vegar einnig til þess að olíuverð lækkaði á heimsmarkaði, sem skýrist af því að aukin óvissa er bæði um framhald hagvaxtar og hver



UPPNÁM Í KAUPHÖLLINI Verðbréfa-  
miðlarar í kauphöllinni í New York stuttu  
eftir að Standard & Poor's tilkynnti um  
lækkað lánsþæfismat. FRÉTTABLAÐIÐ/AP

eftirspurn eftir hráolíu verður á næstunni. Barack Obama Bandaríkjaforseti viðurkenndi í gær að vaxandi skuldabyrði ríkissjóðs geti valdið alvarlegu tjóni í landinu. Hann sagðist ætla að draga úr ríkisútgjöldum, en þó án þess að draga úr útgjöldum til menntamála, orkumála og vísinda. - gb

## Inspired by Iceland í flokki með risum

Íslenska auglýsingastofan er komin í úrslit í Global Effie-keppninni fyrir áttak til að fjölga ferðamönnum hér.

Jón Aðalsteinn Bergsveinsson  
skrifar

„Það er mjög góð viðurkenning á því að það sem við gerðum jafnast á við það besta sem gert er í heiminum. Það skiptir ekki öllu máli hvort við vinnum. Meiru skiptir að við komumst í úrslit,“ segir Kristján Schram hjá Íslensku auglýsingastofunni.

Hann stýrði fyrir hönd auglýsingastofunnar herferðinni Inspired by Iceland, samvinnuverkefni á vegum ríkis og borgar auk fyrirtækja í ferðaþjónustu. Herferðinni var hleypt af stokkunum í júní í fyrra til að vekja athygli á landi og þjóð og vinna á móti stórkostlegri fækkun ferðamanna vegna eldgossins í Eyjafjallajökli. Í fyrravor stefndi í að ferðamönnum myndi fækka um 22 prósent á milli ára yrði ekkert að gert.

Herferðin er nú komin í úrslit í Global Effie-keppninni, sem er ein virtasta viðurkenning sem markaðsfólki í heiminum getur hlotnast og litlu við að jafna í auglýsingageiranum öðru en Óskarsverðlaununum.

Keppnin er haldin einu sinni á ári og verða verðlaunin afhent í New York í Bandaríkjunum í júní. Fram til þessa hefur Íslenska auglýsingastofan fengið fimm tilnefningar í erlendum samkeppnum, og ein verðlaun, fyrir herferðina auk þess að fara með heim tvenn verðlaun á ÍMARK-hátíðinni fyrr á þessu ári, meðal annars fyrir bestu herferðina.

Ljóst er að Íslenska auglýsingastofan er komin í lið með stóru strákonum en undantekningalítið hafa stærstu stofur heims farið heim með gull, silfur eða brons úr Global Effie-keppninni síðustu ár. Þar á meðal eru Leo Burnett, TBWA, Ogilvy & Mather, Grey Global, JWT og DDB. Herferðirnar sem hlotið hafa verðlaun í gegnum tíðina eru matvöruvísingur Kelllogg's, hreinlætisvöruvöruvörufyrirtækið Dove, skyndibitakeðjan McDonald's, íþróttavöruframleiðandinn Adidas og tækni-  
fyrirtækið Apple.

Herferðirnar sem tilnefndar eru til Global Effie-verðlaunanna eiga það sammerkt að hafa náð til



STÝRIMADUR INSPIRED BY ICELAND Íslenska auglýsingastofan hefur fengið fjölda verðlauna, bæði hér heima og erlendis, fyrir auglýsingaherferðina Inspired by Iceland. FRÉTTABLAÐIÐ/STEFÁN

nokkurra landa en skilyrðið fyrir tilnefningu er að þær hafi farið fram í að minnsta kosti fjórum löndum og í tveimur heimsálfum. Þá er ekki síður horft á strategíska innsæið en árangur herferðarinnar. „Hér er verið að veita okkur viðurkenningu fyrir þann hluta sem fór ekki fram á Íslandi. Íslendingar sáu í raun minnst af herferðinni, kannski fimm prósent,“ segir Kristján og bendir á að bæði hafi verið horft til skemmri og lengri tíma með herferðinni. Skammtíamarkmiðið sneri að því að fjölga ferðamönnum í fyrirasumar. Langtíamarkmiðið var að vekja athygli á landi og þjóð með notkun samfélagsvefja, almanna-tengsla og heimasíðu herferðarinnar.

Icelandair greindi frá því í síðustu viku að áætlað sé að erlendum ferðamönnum hér muni fjölga um fimm-tán til tuttugu prósent á milli ára. Það merkir að sex hundruð þúsund erlendir ferðamenn komi til landsins í sumar. Það er hundruð þúsund fleiri ferðamenn en í fyrra og mesti vöxtur í ferðaþjónustu á einu ári frá því mælingar hófust.

„Við erum stolt af því að hafa tekið þátt í þessu átaki sem er einstakt í Íslandssögunni. Ferðamönnum fjölfara enn og þær gjaldveyriskjör sem þeir færa þjóðarbúinu eru mikils virði,“ segir Kristján.

### ER ÞITT FYRIRTÆKI MEÐ SAMNING?

Fyrirtæki sem eru með samning við Icelandair njóta þess í hagkvæmari rekstri, betri tímanýtingu og ánægðara starfsfólki.

Hlunnindi sem fyrirtækjasamningur veitir:

- Sérstakur ferðaráðgjafi hefur umsjón með hverju fyrirtæki.
- Neyðarnúmer sem er opið allan sólarhringinn – alla daga ársins.
- Afsláttur sem byðst af fargjöldum til áfangastaða Icelandair.
- Nákvæmt viðskiptayfirlit á vefnum.

+ Allar nánari upplýsingar á [www.icelandair.is/fyrirtaeki](http://www.icelandair.is/fyrirtaeki) eða sendið fyrirspurnir á [fyrirtaeki@icelandair.is](mailto:fyrirtaeki@icelandair.is)

ICELANDAIR



SAGA CLASS

Úrvalspægindi, gott rými og fyrsta flokks þjónusta.

# Aðgangur að öllu – alls staðar!

## Nokia E7.

### Vertu aðeins snjallari. Í öllu.

Fullkominn snjallsími fyrir þig, sem ert stöðugt á ferðinni og vilt alltaf vera skrefinu á undan. Ekki eyða tímanum í smámuni – nú tölum við um viðskipti!



**NOKIA**

**Á FUNDARSTAÐ**  
Ys og þys í nýrri  
skrifstofubyggingu  
Alþjóðagjaldeyrissjóðsins í  
Washington.  
FRÉTTABLAÐIÐ/ÓKÁ



# Áætlun Íslands til fyrirmyndar

Farsæl endalok efnahagsáætlunar Íslands hjá Alþjóðagjaldeyrissjóðnum í sumarlok eru talin geta verið „skrautfjöður“ í hatt sjóðsins sem víða þarf að taka á erfiðum málum. Óli Kristján Ármannsson sótti heim vorfund sjóðsins og Alþjóðabankans í Washington í Bandaríkjunum.

Fleiri komu á vegum íslenskra stjórnvalda á vorfund Alþjóðagjaldeyrissjóðsins (AGS) og Alþjóðabankans í Washington D.C. um nýliðna helgi en alla jafna koma frá stjórnvöldum annarra landa. Yfirleitt koma ekki nema fjármálaráðherrar eða seðlabankastjórar með fylgiliði sínu til að sitja fundi. Frá Íslandi komu hins vegar bæði Steingrímur J. Sigfússon fjármálaráðherra og Árni Páll Árnason efnahags- og viðskiptaráðherra ásamt fylgdarliði. Þá kom einnig til fundanna Arnór Sighvatsson aðstoðarseðlabankastjóri og Jón Sigurgeirsson, framkvæmdastjóri skrifstofu bankastjóra Seðlabankans.

Reyndar er það svo að lönd sem eru með efnahagsáætlun í samstarfi við AGS senda yfirleitt fleiri til funda á stórfundum sjóðsins en önnur lönd, enda er umfang samstarfsins heldur meira en hjá hinum. Þá hefur orðið sú skipulagsbreyting í samstarfi Íslands og AGS að forræði samskiptanna hefur færst frá fjármálaráðuneytinu og yfir í efnahags- og viðskiptaráðuneytið.

Þá herma heimildir blaðsins að innan AGS þyki traustvekjandi að þjóðir sem eru með efnahagsáætlun í gangi í samstarfi við sjóðinn sendi fleiri til fundar en annars. Þykir það til marks um að þjóðirnar taki verkefni sitt alvarlega og vilji standa við þær áætlunir



**VIÐ UPPHAF VORFUNDARINS 14. APRÍL SÍÐASTLIÐINN** John Lipsky, aðstoðarframkvæmdastjóri AGS, og Dominique Strauss-Khan, framkvæmdastjóri sjóðsins, svara spurningum blaðamanna í höfuðstöðvum AGS í Washington í Bandaríkjunum áður en þar hófst vorfundur AGS og Alþjóðabankans í síðustu viku. Fundinum stýrir Caroline Atkinson, yfirmaður ytri samskipta hjá sjóðnum.

NORDICPHOTOS/AFP

sem fram hafa verið settar um umbætur.

Enda er það svo að áætlun Íslands hjá AGS þykir afar vel heppnuð og jafnvel þannig að hún endurspeglir breytt viðmót og aðferðafræði hjá sjóðnum. Á árum áður þykir sjóðurinn hafa gert mistök í stífnu við að krefjast niðurskurðar hjá þjóðum í kröggum og eins með því að vilja alls ekki beita verkfærum á borð við gjaldeyrishöft. Þannig hafi ríki mátt þurfa að þola

veikari gjaldmiðil en ella og niðurskurð af þeirri stærðargráðu að hamlaði vexti.

Dæmi Íslands er allt annað og kom fram í samtali blaðsins við Steingrím J. Sigfússon fjármálaráðherra þegar hann var staddur á vorfundi sjóðsins að AGS væri áhugasamt um að efnahagsáætlunin héldi áfram að ganga vel. „Þeir líta á farsæl lok áætlunarinnar sem ákveðna skrautfjöður í hattinn hjá sér,“ sagði hann.

Núna fer Norðmaður fyrir kjördæmi Íslands hjá AGS, en þjóðirnar skiptast á um að veita því forystu. Þannig var Geir H. Haarde í forsvari fyrir kjördæmið árin 2001 til 2003. Á fyrsta fundi í kjördæminu á föstudag var Steingrímur beðinn að fara yfir þróun mála hjá Íslandi og segir að þeirri samantekt hafi verið afar vel tekið. Framgangur efnahagsáætlunar Íslands hjá AGS virðist tryggur.

## EKKI GERA EKKI NEITT.IS

Öflugur greiðendavefur með hagnýtum upplýsingum s.s.

- Yfirlit mála
- Samkomulög
- Greiðslur með korti
- Góð ráð og margt fleira

**motus**  
— leysum málin

Þjónustuver 440 7700  
www.ekkigeraekkieitt.is

## HRAKFAIRIR ÍSLENS

Þó svo að ferð íslenskra ráðamanna til höfuðstaðs Bandaríkjanna hafi um margt verið árangursrík, efnahagsáætlun landsins hjá AGS gangi vel, fjármögnun hennar sé tryggð og stjórnvöld annarra ríkja sýni skilning á þróun mála varðandi Ice-save, þá lentu þeir engu að síður í ótrúlegum hrakningum í ferð sinni.

Segja má að vandræðin hafi þegar hafist við millilendingu í New York á leiðinni til Washing-

ton síðasta fimmtudag. Þar varð nefnilega eftir farangur fjármálaráðherra og aðstoðarmanns hans og varð ekki endurheimtur fyrr en síðla kvölds í Washington. Ófugt var farið með fulltrúa Seðlabankans. Farangurinn fór mannlaustr til Washington.

### Í HRINGIÐU MÓTMÆLA

Á hótlinu í Georgetown í Washington varð svo skemmtileg uppákoma

þegar Íslendingarnir biðu lyftunnar sem færa átti hópinn upp á herbergi. Þegar dyrnar opnuðust stóð nefnilega fyrir innan enginn annar en George Osborne, fjármálaráðherra Breta. Að kynningum loknum áttu menn þar smáspjall um stöðu mála og herma heimildir blaðsins að vel hafi farið á með mönnum.

Í Washington var svo mikill öruggisviðbúnaður vegna þess heims-

Á vorkundi AGS var töluvert rætt um þær breytingar sem orðið hafa á vinnubrögðum þar og vangaveltur um breytt hlutverk hans í heiminum eftir lausafjarkreppuna 2008. Enda var það svo að á fundi fulltrúa 20 helstu hagkerfa heimsins (G20) var ákveðið um helgina að sjóðurinn hefði sérstakt eftirlit með skuldastöðu og efnahagshorfum í mikilvægustu hagkerfum heimsins. Þar eru undir lönd á borð við Bretland, Þýskaland, Bandaríkin, Japan, Kína og evrusvæðið í heild.

Þá er Ísland dæmi um viðsnúning hjá sjóðnum þegar kemur að beitingu gjaldeyrishafta, en þau eru nú viðurkennt verkfæri í efnahagsstjórnun ríkja, í það minnsta tímabundið.

Sjóðurinn stendur hins vegar í mörgum erfiðum verkefnum og virðist sem erfiðleikar séu að aukast fremur en hitt í mörgum löndum, svo sem á Írlandi, í Grikklandi, Portúgal og á Spáni. Hjá sjóðnum eru því nokkrar væntingar um að hampa megi að minnsta kosti einni farsælli áætlun þar sem hlutir hafi gengið upp, en það er áætlun Íslands. Herma heimildir blaðsins því að jafnvel þótt Hollendingar eða Bretar hefðu hug á því að reyna að leggja stein í götu efnahagsáætlunar Íslands vegna framgöngu landsins í Icesave-deilunni (sem reyndar hefur ekki heyrst af) þá yrði lítil stemning fyrir því innan AGS og hjá starfsmönnum sjóðsins.

## Fimlega varist

Þrátt fyrir vangaveltur ræðir Strauss-Kahn ekki önnur mál en að Alþjóðagjaldeyrissjóðnum snúa.

Töluverðar vangaveltur eru innan AGS um hver kunni að verða aftaki framkvæmdastjóra sjóðsins, Dominique Strauss-Khan, en kjörtímabil hans hjá sjóðnum rennur út á næsta ári. Þrátt fyrir orðrómur er um að hann hyggist bjóða sig fram til forseta í Frakklandi (og þá væntanlega á móti Evu Joly, sem Íslendingum er að góðu kunn). Strauss-Kahn varðist hins



DOMINIQUE STRAUSS-KHAN

vegar fimlega spurningum um málið á blaðamannafundum og í viðtölum sem hann veitti í tengslum við vorkundinn í síðustu viku. „Aðalmálið núna er að vara við sinnuleysi varðandi þau verkefni sem þjóðir heims standa frammi fyrir í efnahagsmálum,“ sagði hann og kvaðst ekki ræða önnur mál en þau sem sneru að vorkundinum og AGS.

## Starfar á kjördæmisskrifstofu okkar hjá Alþjóðagjaldeyrissjóðnum

Lilja Alfreðsdóttir hefur verið hjá Alþjóðagjaldeyrissjóðnum síðan í ágúst 2010. Hún er skipuð af íslenskum stjórnvöldum og starfar á skrifstofu Norðurlanda og Eyrstrasaltsríkja. „Og hérna verð ég þangað til í byrjun árs 2013,“ segir Lilja, sem tók frá nokkrar mínútur til að setjast niður með blaðamanni þrátt fyrir miklar annir við að skipuleggja fundi og afla gagna vegna heimsóknar íslenskra ráðamanna í tengslum við vorkund AGS og Alþjóðabankans sem lauk núna á sunnudag.

„Þessa skrifstofu skipa átta sérfræðingar frá ríkjum átta sem mynda kjördæmið,“ segir hún, en 24 slík kjördæmi mynda framkvæmdastjórn Alþjóðagjaldeyrissjóðsins. Í þeim tilvikum þar sem mörg lönd deila kjördæmi skiptast þau á um að veita því forsæti og verma stól kjördæmisins í framkvæmdastjórninni. „Til dæmis eru Bandaríkin eitt kjördæmi og hafa 16,5 prósent vægi atkvæða í framkvæmdastjórninni, meðan við höfum að mig minnir 3,4 prósent. Kjördæmin eru mynduð út frá efnahagslegri vikt ríkjanna í heimsbúskapnum,“ útskýrir Lilja. Starstu hagkerfin hafa því einn stól hvert um sig, meðan smærri ríki þurfa að sameinast um stóla. „Okkar starf felst í því að fara yfir þá vinnu sem er í gangi og



LILJA ALFREÐSDÓTTIR Á skrifstofu Norðurlanda og Eyrstrasaltsríkja sem mynda eitt kjördæmi þeirra ríkja sem að AGS standa starfar Lilja Alfreðsdóttir. FRÉTTABLAÐIÐ/ÓKÁ

mál sem kynnt eru fyrir framkvæmdastjórninni,“ segir Lilja og kveður flest mál sem fyrir framkvæmdastjórnina fara vera samþykkt þar. „Menn eru búnir að undirbúa mál þannig að samstaða og sátt sé um þau.“

Þegar kemur að fundum á borð við nýafstaðinn vorkund þá segir Lilja starfið að stórum hluta snúast um að greiða leið stjórnvalda, svo sem við að koma á fundum með öðrum framkvæmdastjórum hjá AGS. „Og eins að liðka til og

hafa milligöngu um samskipti við annað starfsfólk sjóðsins.“

Lilja, sem áður var á alþjóðaskrifstofu Seðlabankans, hefur fjölskyldu sína hjá sér úti. Eiginmaður hennar er í framlangdu fæðingarorlofi, en er í leyfi frá fjármálaráðuneytinu þar sem hann annars vinnur. Þegar blaðamaður hitti Lilju var hún nýkomin frá því að skila öðru tveggja barna þeirra í dagvistun í leikskóla sem AGS er með fyrir starfsfólk sitt í aðalstöðvum sjóðsins í Washington.

## Enn er verið að meta möguleg áhrif kosninganna um Icesave

Yfirmaður sendinefndar AGS á Íslandi segir að koma verði í ljóst hvort Icesave-kosningin hafi áhrif á afnám gjaldeyrishafta og erlenda fjárfestingu.

Pólítískri óvissu um stöðu efnahagsáætlunar Íslands hjá Alþjóðagjaldeyrissjóðnum var að nokkru eytt um síðustu helgi þegar íslenskir ráðamenn fóru til fundar við kollega sína frá öðrum löndum á vorkundi sjóðsins í Washington D.C. í Bandaríkjunum. Þar kom fram að áætlunin nyti enn stuðnings Norðurlandabjóða og ekki merki um að viðsemjendur landsins í Icesave-deilunni ætluðu að reyna að bregða fæti fyrir áætlunina.

Julie Kozack, yfirmaður sendinefndar AGS á Íslandi, segir enu að síður mat á hugsanlegum afleiðingum þjóðaratkvæðagreiðslunnar um Icesave standa yfir hjá starfsfólki sjóðsins. Ekki sé þó annað að sjá en að efnahagsáætlunin geti haldið áfram og fimmtu endurskoðun hennar verði lokið innan fárra vikna. „Einna helst horfum við til þess hver áhrifin kunna að verða á áætlunina um afnám gjaldeyrishafta,“ segir hún. Ekki þurfi hins vegar að endurskoða áætlunina sjálfa, fremur að huga að tímasetningum og því hversu hratt hún nái fram að ganga. „Við þurfum að sjá hvort upphaflegar væntingar um tímasetningar standa, því tímasetningar í afnámi

gjaldeyrishafta ráðast að stórum hluta af getu ríkissjóðs til að fjármagna sig á alþjóðlegum fjármálamörkuðum.“ Hún segir hins vegar almenna ánægju með áætlunina sjálfa. Skynsamlegt sé að byggja hana ekki á niðurnegldum tímasetningum heldur hafa hana árangurs- og þrepaskipta.

Þá segir Julie Kozack að einnig þurfi að greina hvort neitun í þjóðaratkvæðagreiðslunni um Icesave kunni að hafa efnahagslegar afleiðingar, svo sem á viljann til beinnar erlendra fjárfestingar á Íslandi. „En við vitum af töluverðri fjárfestingu í pípunum og sjáum ekki að breytingar verði á þeim áætlunum. Það er frekar að við horfum til áhrifa á nýjar fjárfestingar, en þær ráðast náttúrulega að stórum hluta á fjármögnunarkostnaði.“

Julie segir ljós í myrkrinu hvað matsfyrirtækin Standard & Poor's og Moody's varðar að þau hafi ekki lækkað lánshæfi Íslands strax eftir þjóðaratkvæðagreiðsluna líkt og þau höfðu boðað. „Mér virðist allir ætla að taka sér tíma til að meta hverjar mögulegar afleiðingar atkvæðagreiðslunnar kunna að verða.“

Almennt er hins vegar litið svo

á að afar vel hafi gengið í efnahagsáætlun Íslands, þó svo að einstakir áfangar hafi tafist. „Meginmarkmið áætlunarinnar hafa náðst og eru að nást. Ef horft er á stóru myndina og fram hjá Icesave þá sést hversu mikill árangur hefur í raun náðst á tveimur og hálfu ári. Tekist hefur að stöðva gengissveiflur krónunnar, Grettistaki hefur verið lyft í fjármálum ríkisins og skuldum almennings komið í sjálfbæran farveg. Stýrivextir hafa lækkað og stórstígar breytingar orðið í átt til minni verðbólgu,“ segir hún og kveður jafnframt hafa náðst góðan árangur í endurskipulagningu fjármálakerfisins þótt þar séu enn allnokkur verk eftir. „Við hafa góðir sigur unnist þótt enn séu hlutir sem fást þarf við, svo sem slagurinn við atvinnuleysið.“

Enn er lítið farið að ræða hvað tekur við að efnahagsáætluninni lokinni, en henni á að ljúka í ágúst næstkomandi. Vinna bæði íslenskra stjórnvalda og AGS miðar hins vegar við að áætluninni ljúki þá. Julie bendir á að AGS verði enn með annan fótinn á Íslandi eftir að áætluninni lýkur, því tvisvar á ári er farið yfir mál þjóða sem skulda sjóðnum peninga.



JULIE KOZACK Yfirmaður sendinefndar AGS á Íslandi hafði í nógu að snúast vegna vorkundar sjóðsins og Alþjóðabankans sem hófst í síðustu viku og lauk á sunnudaginn. FRÉTTABLAÐIÐ/ÓKÁ

### KRA RÁÐAMANNA Í ANNARS ÁRANGURSRÍKRI FERÐ TIL BANDARÍKJANNA

viðburðar að fjármálaráðherra og seðlabankastjórar allra helstu landa heims sóttu heim vorkund Alþjóðagjaldeyrissjóðsins og Alþjóðabankans. Enda er það svo að á þessum viðburðum þar sem vélað er með heimskapítalið safnast fólk saman til mótmæla. Hluti foruneytis Íslands fylgdist með því og gerði góðlátlegt grín á föstudegi þegar mótmælendur hópuðust að bil sendiráðsins íslenska því þar inni

sat Steingrímur J. Sigfússon fjármálaráðherra og verður seint talinn fulltrúi alþjóðakapítalsins. Lét hann reyndar eftir sér hafa að mótmælendur vestra hafi verið ólíkir því sem ráðamenn fengu að reyna í búshaldabyltingunni, því þótt þeir hafi hópast að bílnum og horft inn, þá snerti enginn bílinn, ólíkt því sem hér gerðist.

Vestra komust því allir ólemstraðir frá mótmælendum en fjármála-

ráðherra og foruneyti brá heldur í brún þegar þeir komu aftur heim á hótél síðdegis, því þá var búíð að „tékkja þá“ út af herbergjum og henda persónulegum munum þeirra. Þó áttu þeir bókuð herbergi í þrjá daga.

#### ÓVÆNT VERKEFNALEYSI

Úr þessari fléttu leystist, menn fengu herbergi sín á ný og smám saman sína persónulegu muni.

Gengur ferðin nú stórafallaust fram á sunnudag þegar til stóð að fara heim. Fljúga átti frá Washington til Boston og þaðan áfram heim til Íslands. Á síðustu stundu aflýsti Delta Airlines fluginu og þótti félagið standa sig heldur slæga í að finna út úr áframför þeirra sem með þeim áttu að fara til Eplisins stóra. Hluti hópsins fór til New York með öðru flugfélagi en fjármálaráðherra og

aðstoðarmaður hans urðu eftir í Washington. Þaðan héldu þeir svo ekki fyrr en daginn eftir, mánudag, aftur með Delta og til New York og heim þar sem biðu úrlausnarefni tengd kjarasamningum. Fátt er þó svo með öllu illt að ekki boði nokkuð gott – ráðherrann og hans maður fengu góðan nætursvefn í Washington þar sem dagskráin var tæmd og komu því væntanlega endurnærðir í slaginn heima.

# Tveir snjallir Nokia farsímar hjá Nova!



### Nokia C7

**4.490 kr.**  
á mánuði í 18 mánuði  
**500 kr. símnokun á mán. í 6 mán. fylgir!**


Staðgreitt: 74.990 kr.



### Nokia N8

**5.490 kr.**  
á mánuði í 18 mánuði  
**500 kr. símnokun á mán. í 6 mán. fylgir!**

Staðgreitt: 89.990 kr.



Páskaegg nr. 4 og 500 kr. símnokun á mánuði í 6 mánuði fylgir!

Stærsti skemmtistaður i heimi!

# NOVA

Verslanir Nova eru í Kringlunni, Smáralind, Lágmúla, MM Selfossi og á Glerártorgi Akureyri | Þjónustuver 519 1919  
[www.nova.is](http://www.nova.is) | [m.nova.is](http://m.nova.is) | Facebook | Twitter

Farsímatilboð Nova gilda með áskrift og frelsi: Mánaðarleg afborgun er greidd með kreditkortu + 250 kr./mán. greiðslugjald. Ekkert mánaðargjald í frelsi en 590 kr. í áskrift og þá fylgir 150 MB netnotkun á mánuði.

## Ríkur sopi og margslunginn

### Í GLASI MEÐ ÓLA KRISTJÁNI



Greinarhöfundur var svo heppinn að komast nýverið út fyrir landsteinana. Í Vesturheimi rambaði hann inn í litla vínúð og varð furðu lostinn yfir frábæru úrvali af gæðamaltviskí. Því varð úr að hann festi kaup á flösku af Glenmorangie Sonnalta Hálandamaltviskí

á um það bil hálfviri af því sem ætla mætti að flaskan kostaði í Áfengis- og tóbaksverslun ríkisins.

Sonnalta er sérútgáfa af tólf ára gömlu maltviskí frá Glenmorangie sem fyrst leit dagsins ljós í apríl 2009 og skemst frá því að segja að þetta er eitt-hvert besta viskí sem undirritaður hefur komist í tæri við, og það þó að sopinn sé að mestu laus við móreykskeiminn sem annars einkennir það viskí sem honum alla jafna hugnast best. Í 2010 útgáfu viskíbiblíu Jims Murray (Jim Murray's Whisky Bible 2010) fær Sonnalta einkunn upp á 96,5 af hundrað mögulegum. „Án nokkurs vafa hið fullkomna eftirbragð,“ segir þar og vel óhætt að taka undir þau orð.

Sonnalta maltviskíið hefur göngu sína í framleiðsluferlinu

eins og hvert annað viskí frá Glenmorangie og er látið þroskast í tíu ár í tunnum úr hvítu eik. Síðan er það flutt yfir í tunnur sem áður höfðu að geyma spænskt Pedro Ximénes sérrí. Í þeirri vist bætist í sopann dýpt og sæta sem sérríið er heimsfrægt fyrir, án þess þó að keimurinn nái að verða yfirþyrmandi í lokaútgáfunni.

Úr verður djúpgullið viskí sem sumir segja hinn fullkomna endapunktur á góðri máltíð. Aðrir gætu haldið því fram að best væri að vera ekki að blanda áti í málið, heldur láta sopann bara njóta sín. Ilmurinn er sætur og þungur með margslungnum krydduðum keim og segja má að sopinn sé svipaður, þó einnig komi þar inn áveðinn ferskleiki. Eftirbragðið er svo nær endalaust og ótrúlega ríkt og margbreytilegt.

Viskíið er margrómað og vann meðal annars til silfurverðlauna í flokki Hálandavískís árið 2009 í alþjóðlegri samkeppni áfengra drykkja (IWSC). Sama ár fékk Sonnalta gullverðlaun í flokki maltviskís í alþjóðasamkeppni brenndra drykkja (ISC).

Fyrir þá sem kunna ekki að



meta mikinn móreyk í drykkjum sínum, líkt og þann sem einkennir Islay-viskí á borð við Laphroaig, hefur Glenmorangie verið vinsæll valkostur. Viskíin sem koma frá brugghúsi Glenmorangie í norðanverðum Hálandum Skotlands, nærri bænum Tain, eru afar bragðgóð en um leið bragðmikil og með ríkt og gott eftirbragð. Sonnalta er afar vel heppnað tilbrigði við gæðastef Glenmorangie og að líkindum í flokki með allra bestu viskíum sem núna eru í sölu.

## Markaðsstjóri farinn frá N1



Gunnlaugur Þráinsson, markaðsstjóri olíuverslunarinnar N1 hætti störfum fyrir um mánuði. Hann vildi ekki tjá sig um málið í samtali

við Fréttablaðið að öðru leyti en því að hann hefði sagt upp.

Uppsögnin kemur nokkuð á óvart innan auglýsingageirans enda Gunnlaugur með reyndari mönnum. Hann var á árum áður einn af eigendum og framkvæmdastjóri auglýsingastofunnar Gott fólk og er sagður hafa skilað því að N1 hlaut markaðsverðlaun ÍMARK, félags íslensks markaðsfólks, fyrir tveimur árum.

Ekki náðist í Hermann Guðmundsson þegar eftir því var leitað í gær. Eftir því sem næst verður komist hefur enginn verið ráðinn í stað Gunnlaugs en Katrín Guðjónsdóttir, hægri hönd hans, hefur verið gerð að deildarstjóra markaðsdeildar. Í kringum næstu áramót mun skoðað hvort nýr markaðsstjóri verði ráðinn. -jab



MARKAÐSVERÐLAUN Hermann Guðmundsson, forstjóri olíuverslunar N1, tók við markaðsverðlaunum ÍMARK árið 2009.



MEÐ LYKLANA AÐ LÍFINU Það er vinna að komast að því hvað mann langar til að gera, segir Árelía Eyðis Guðmundsdóttir. FRÉTTABLAÐIÐ/ANTON

## Bók fyrir þá sem vantar hillu í lífinu

„Lykillinn að því að vera ánægður með lífið og finna lífsfyllingu er að veita því athygli hvaða verkum við erum að sinna,“ segir Árelía Eyðis Guðmundsdóttir, dósent í stjórnun og leiðtogafræðum við viðskiptafræðideild Háskóla Íslands.

Bók hennar Á réttri hillu kom út fyrir hálfum mánuði og rataði beint á metsölulista.

Markmið Árelíu með bókinni er að hjálpa lesendum að rýna í sjálfan sig og finna út frá nokkrum grunnþáttum hvar hæfileikar þeirra liggja. Eftir lesturinn geta þeir tekið próf og komist að því hvers konar manngerð þeir eru, hvar styrkur þeirra og veikleikar liggja. Manngerðirnar

eru sextán talsins og birtir Árelía viðtöl við 32 manns undir nafni sem eiga það sammerkt að hafa fundið þann starfssvettvang sem hentar þeim. Þar á meðal eru nokkrir stjórnendur, prestur, lögreglumaður, húsmóðir og hárgreiðslukona, framkvæmdastjóri hjá fagfjárfestingarsjóði og millistjórnendur.

„Þetta er rosalega einfalt en öflugt tæki,“ segir Árelía sem hefur eftir einum lesanda að honum fannst bókinn erfið. Við nánari athugun komst hún að því að bókinn hafði ýtt við honum. „Þá varð ég ánægð. Það veitti mér gleði. Það er vinna að komast að því hvað mann langar til að gera,“ segir hún. -jab

Þú færð Fréttablaðið á kostnaðarverði á 120 stöðum um land allt. Nánari upplýsingar á [visir.is/dreifing](http://visir.is/dreifing)



Allt sem þú þarft...



Pykkvabæjar

Forsoðnar  
*Grillkartöflur*

argus - 05-0002

# FUNHEITAR EÐA SVALAR *í grillveisluna*

Pykkvabæjar  
forsoðnar grillkartöflur  
kartöflusalat  
hrásalat  
**Einfalt og gott!**



Pykkvabæjar

## BANKAHÓLFID

### Styrmir farinn

Skúli Mogensen keypti stóran hlut í MP Banka í síðustu viku í nafni fjárfestingarfélagins Titan. Skúli hefur um árabil verið með mörg járn í eldinum og látið framkvæmdastjóra um daglegan rekstur Titans.

Framkvæmdastjóri félagsins var um skeið Styrmir Þór Bragason, sem hætti hjá MP Banka í lok maí 2009. Styrmir hefur verið ákærður vegna þáttar síns í svokölluðu Exeter-máli auk þess sem sérstakur saksóknari yfirheyrði hann vegna milljarðafærslu úr Landsbanka til MP Banka sama dag og neyðarlög voru sett í október 2008.

Baldur Oddur Baldursson tók við stjórn félagsins af Styrmí skömmu áður en hann var ákærður í fyrra.



### Hressi skrifstofustjórinn

Yfirbragð Landsvirkjunar þykir hafa tekið stakkaskiptum eftir að Hörður Arnarson settist í forstjórastólinn undir árslok 2009. Fyrirtækið kynnti á föstudag metnaðarfulla áætlun til ársloka 2025 sem á að skila ríkissjóði miklum arði. Ragna Árnadóttir, fyrrverandi dómsmálaráðherra sem ráðin var skrifstofustjóri fyrirtækisins í nóvember í fyrra, stýrði fundinum af röggsemi. Hún sagðist við upphaf fundar vilja fara yfir öryggismál og benti gestum á neyðarútganga að flugfreyjusíð áður en hún kynnti ræðumenn.



### Þetta er alveg að verða búið, en...

Olli Rehn, framkvæmdastjóri efnahags- og gjaldeyrismála innan Evrópusambandsins, vísaði því á bug í síðustu viku að fjárhagsvandræði nokkurra evruríkja myndu leiða til þess að myntbandalagið liðaðist í sundur. Þvert á móti væri stutt í að evran kæmist í var. Hann vildi þó ekki segja málið alveg í höfn enda mætti ekki útiloka að stjórnvöld á Spáni kölluðu eftir fjárhagslegum björgunarhring. Fólk með fílsminni segir erindi framkvæmdastjórans minna um margt á orð George Bush, fyrrverandi forseta Bandaríkjanna, sem lýsti því yfir 1. maí árið 2003 að öllum meiriháttar átökum í Írak væri lokið. Nú átta árum síðar hefur friður ekki enn komist þar á. - jeb



**2,4** milljarða hagnaður varð af rekstri Kaupfélags Skagfirðinga í fyrra.

**11** terawattstundir hyggst Landsvirkjun virkja á næstu fimmtán árum.

**40** prósentu hækking hefur orðið á matvælavæðingunni á Íslandi á þremur árum.

## TIL LEIGU

Höfðabakki 9  
110 Reykjavík

### Glæsilegir skrifstofugarðar

Skrifstofugarðarnir á Höfðabakka bjóða uppá einn hagkvæmasta kostinn í skrifstofuhúsnæði á höfuðborgarsvæðinu.

Í boði er allt frá 150 m<sup>2</sup> til 5000 m<sup>2</sup> rými og möguleiki á margskonar útfærslum og staðsetningu innan skrifstofugarðanna. Í dag eru 25 fyrirtæki með starfsemi á svæðinu. Stækkunarmöguleikar eru miklir og getur húsnæðið því vaxið með fyrirtækinu. Reitir fjármagna breytingar sem henta hverjum og einum og skapa þannig vandað atvinnuhúsnæði sem tekur mið af hagkvæmni í rekstri og mismunandi þörfum. Skrifstofugarðarnir eru með vistvæna vottun samkvæmt alþjóðlega staðlinum BREEAM. Svæðið er vel tengt helstu umferðaræðum borgarinnar.



[www.reitir.is](http://www.reitir.is)

**REITIR**

Vönduð umgjörð fyrir vinnandi fólk



Nánari upplýsingar veitir  
**Halldór Jensson**  
840 2100  
halldor@reitir.is

Reitir fasteignafélag er stærsta þjónustufyrirtækið á sviði útleigu atvinnuhúsnæðis á Íslandi. Reitir hafa yfir að ráða fjölbreyttu fasteignasafni sem samanstendur af um 130 fasteignum sem staðsettar eru víðsvegar um landið.

### Fjölnota LITAPrentari með netkorti



**LITAPRENTARI, SKANNER og FAX**  
Prenthraði: 16 bl./mín. svörtu og 4 bl./lit  
Upplausn: 2400x600dpi  
**SKANNI OG LJÓSRITUN:**  
Upplausn: 1200x1200dpi  
(max. 4800x4800dpi)  
**FAX:** Minni 2MB, 160 síður  
Skannar skjöl og vistar beint á minnskubbb í JPEG eða PDF sniði.  
Pappírskaki inn/út: 130/80 blöð  
Minni: 256 MB  
Stuðningur: Windows, Mac OS, Linux, Pci5, Pci6  
Tenging: 100mbps LAN, USB 2.0  
**Tilboðsverð: 69.900 kr.**

### Fjölnota prentari með netkorti



**PRENTARI, SKANNER og FAX**  
Prenthraði: 24 bl./mín.  
Fyrsta blaðsía: 10 sek.  
Upplausn: 1200x1200dpi  
**SKANNI OG LJÓSRITUN:**  
Upplausn: 1200x1200dpi (max. 4800x4800dpi)  
**FAX:** Leshraði: um 3 sek. pr. síðu  
Pappírskaki inn/út: 250/150 blöð  
Minni: 128 MB  
Stuðningur: Windows, Mac OS, Linux  
Tenging: USB 2.0, Ethernet  
**Tilboðsverð: 59.900 kr.**

### LITA-laserprentari með netkorti



**PRENTARI**  
Prenthraði: 24 bl./mín. í svarthvítu, 24 bl./mín. í lit  
Fyrsta blaðsía út: 20 sek.  
Upplausn: 9600x600dpi  
Minni: 256MB  
Pappírskaki inn: 250+100 blöð  
Pappírskaki út: 200 blöð  
Hljódmagn: < 52dB  
Stuðningur: Windows, Mac OS, Linux  
Tenging: USB 2.0, Ethernet 10/100 Base TX  
**Verð: 59.900 kr.**

**SAMSUNG**

HÁGÆÐA  
VINNUDÝR  
á  
UNDRAGÓÐU  
VERÐI!

**ORMSSON**